

四庫全書

子部

欽定四庫全書

子部

薛氏醫案卷六十

詳校官太醫院醫官臣姜晟

編修臣倉聖脈覆勛

總校官原任中九臣王燕緒

校對官助教臣卜維吉

謄錄監生臣魏淳耀

欽定四庫全書

薛氏醫案卷六十

保嬰撮要七

熱吐

經云胃傷則吐小兒熱吐者因多食甘甜炙煇之物或  
乳母膏粱厚味胃經積熱或夏間暑氣內伏於胃所致  
若肌肉間動煩熱作渴者暑傷胃氣也先用香薷飲次

明薛已訂

用竹茹湯若吐乳色黃不能受納者胃經有熱也先用瀉黃散次用人參安胃散若吐出酸穢者乳食內停也用保和丸吐乳不消者胃氣弱也用異功散吐而少食腹痛欲按者脾氣虛也用六君子加木香凡諸症當驗其手指熱則胃熱冷則胃寒熱用瀉黃散寒用理中湯不熱不寒異功散調之

治驗

一小兒夏月吐乳手指發熱作渴飲冷口吐涎水余

謂胃氣熱廉泉開而涎出也用瀉黃散而愈後復嘔吐另用尅滯之劑口渴飲湯流涎不已余謂胃氣虛寒不能攝涎也用理中丸而愈

一小兒七歲嘔吐不食面白指冷此胃氣虛寒也用理中湯嘔吐頓愈又用六君子湯而痊後傷食腹痛發熱嘔吐流涎先用保和丸一服而痛嘔愈再用四君山梔而涎止

一小兒食涼粉而嘔吐酸物頭痛發熱此內傷兼外

感也用人參養胃湯末二錢薑湯調服諸症皆愈惟吐酸涎用大安丸一服而止

一小兒傷食發熱嘔吐酸物手指常冷此胃氣虛寒陰盛隔陽於外虛熱所致也用保和丸末二錢薑湯調服而吐止再用六君子湯加山梔而安

一小兒嘔吐作渴暑月或用玉露飲子之類而愈又傷食吐酸余先用保和丸一服吐止次用五味異功散飲食漸進又用四君子湯而痊

一小兒暑月患吐瀉服香薷飲五苓散之類而止但手足並冷睡而露睛飲食不入腸鳴作嘔欲用清涼之劑余曰此始為熱終為寒也當捨時從症用人參理中丸以薑湯化二服病勢始定次用助胃膏漸安又用六君子湯調理而愈

一小兒飲食多即吐余用五味異功散愈之又腹痛嘔吐先服大安丸仍用異功散而愈後症復作另投祛逐之劑吐瀉不食腹中痛甚以手按之則止此脾

氣復傷也先用補中益氣湯加茯苓半夏一劑又用六君升麻柴胡二劑飲食頓進後食生冷挾驚吐瀉手足並冷唇口搐動用六君釣藤柴胡而愈

一小兒吐酸作渴飲冷腹痛發熱用人參養胃湯加黃連一劑吐熱稍定又用保和丸一服腹痛頓止後傷食復吐腹脹大便秘不通用紫霜丸下之尋愈又感冒咳嗽腹脹另服下藥發熱作吐腹脹手足並冷睡而露睛發搐用六君釣藤鈎而安又用四君加當歸



川芎而愈後患吐瀉手足並冷用助胃膏頓痊

一小兒嘔吐發熱用瀉黃散而愈後因乳母飲酒腹脹吐泄用葛花解酲湯子母服之漸愈大便日去五次用五味異功散加升麻二劑日去三次乃用四君肉豆蔻而痊

一小兒吐酸發熱用保和丸漸愈又用四君山查神麩而安後因飲食過多嘔吐復作另用下積丸更加作瀉腹脹手足發搐余以為肝木侮脾用五味異功

散加柴胡鈎藤鈎而搐止又用六君子湯飲食漸進  
而痊

一小兒夏間嘔吐腹痛大便不通服大黃藥而愈又  
傷食患吐發熱服瀉黃散等藥嘔吐腹痛按之即止  
面色青黃手足並冷此脾胃復傷而虛寒也用異功  
散加木香愈之後又傷食腹脹作痛或用消食丸吐  
瀉並作小腹重墜午後益甚余朝用補中益氣湯夕  
用六君子加木香而愈

一小兒嘔吐發熱腹痛面赤手熱口乾飲湯按其腹  
不痛此脾胃氣虛也用異功散加木香乾薑一劑而  
愈復傷食吐而噯酸腹中作痛按之益甚此飲食內  
停也用保和丸二服而痊

葛花解醒湯 治乳母酒醉後乳兒遺熱為患

白芷 菴 砂仁 葛花 陳皮 人

各五錢

參 猪苓 木香 青皮 乾生薑 白朮

各五分

三分

澤瀉 神麴

炒黃各二錢

右為末每服二錢白湯調服

愚按前湯先哲不得已而用之蓋醉酒耗氣又服辛散重損真陰折人長命可不慎哉

助胃膏 治脾胃虛寒吐瀉等症

人參 白朮 白茯苓 甘草炙 丁香各五錢 砂仁

四十箇 木香三錢 白豆蔻十四箇 乾山藥一兩 肉豆蔻四箇

右為末蜜丸芡實大每服十九丸米飲化下

香薷散 方見熱吐

竹茹湯

五苓散

二方並見五淋

玉露散

補中益氣湯

大安丸

保和丸

四方見虛羸

六君子湯

四君子湯

二方見天鈞

瀉黃散

人參安胃散

二方見脾胃

理中丸

方見冷瀉

人參養胃湯

方見癰症

寒吐噦逆

錢仲陽曰寒吐者由乳母當風取涼或風寒客于乳房其症面目脹額汗出脈沈遲微寒氣停於胃故胃不納而吐出也噦逆者由胃氣虛甚過服尅伐使清氣不升

濁氣不降以致氣不宣通而作也風寒在胃者用理中丸胃氣虛者六君子湯風涼所致者宜捏去敗乳急服理中丸次服釀乳法若嘔吐清涎夾乳小便清利用大安丸若因乳母食厚味用東垣清胃散若乳母飲醇酒用葛花解醒湯飲燒酒服冷米醋三五杯乳母食生冷而致者用五味異功散乳母停食者母服大安九子服異功散乳母勞役者子母俱服補中益氣湯乳母怒動肝火者用加味道遙散乳母鬱怒傷脾者用歸脾湯乳

母脾虛血弱者用六君芎歸其子亦服三五滴氣血虛而乳熱者子母皆服八珍散仍參熱吐霍亂治之

治驗

一小兒因停食腹痛服疎導之藥而愈後復停食又用前藥寒熱不食腹脹後重大便頻而少此脾氣復傷而下陷也先用異功散加升麻數劑後重漸愈再加當歸全愈後因乳母恚怒致兒寒熱發搐作嘔用六君柴胡山梔以治其母兼灌其兒並愈



一小兒因乳母感冒風寒發熱兒患嘔吐身發赤暈  
用東垣人參安胃散而愈又咬牙發搐嘔吐酸腐待  
其吐止自安

一小兒時吐乳食診其母有鬱怒之症用加味歸脾  
湯加味逍遙散治之而愈

一小兒七歲身羸兼吐少食發熱面黃余謂脾臟受  
傷用六君煨薑二劑而飲食進去薑又數劑而愈

一小兒吐乳大便臭穢目睛緩視因乳母交感後飲

乳所致用六君木香藿香治之而安

一小兒吐乳不食手足搐搦痰涎上湧手足指冷額黑唇青此腎水勝心火也用五味異功散加木香炮薑頓愈去薑又數服而愈

一小兒不時乾嘔不乳腹膨此脾胃虛而將成疳也用四味肥兒丸以治疳四君子湯以健中而痊後傷食吐瀉完穀形氣困憊四肢微搐余曰且勿藥次日吐止但搐而瀉青黃此脾土虛而肝木勝也用六君

鈎藤鈎而痊

釀乳法 治嬰兒有胎熱症令乳母服之不可遽用冷藥恐損脾胃若加嘔吐必成大患

澤瀉

二兩五錢

猪苓

去黑皮

赤茯苓

天花粉

各一兩半

生地

黃

二兩

山茵陳

去梗

甘草

各一兩

右每服五錢水煎食後捏去舊乳服

茯苓半夏湯 治嘔噦心下堅痞膈間有水痰眩驚悸

半夏

五錢

茯苓

二兩

右每服三錢薑水煎服

二陳湯 治痰飲嘔吐惡心或頭眩心悸或中脘不快  
或因食冷物胃氣不和

半夏

橘紅

各五錢

白茯苓

三錢

甘草

一錢五分

右每服二三錢烏梅一箇薑棗水煎服

四味肥兒丸 治嘔吐不食腹脹成疳或作瀉不止或

食積脾疳目生雲翳口舌生瘡牙齦腐爛發熱瘦怯  
遍身生瘡又治小便澄白腹大青筋一切疳症

黃連

炒

蕪荑

神麩

麥芽

炒各  
等分

右為末水糊丸桐子大每服一二十九空心白滾湯

送下

東垣人參安胃散

治服峻劑脾胃虧損或成慢驚泄

瀉嘔吐腸胃有熱以致前症

方見脾臟

東垣清胃散

方見內欬

理中丸

方見咳嗽

葛花解酲湯

方見熱

大安丸

即保和丸加白朮

保和丸

補中益氣湯

三方見虛羸

加味道遙散

加味歸脾湯

二方見內鈔

清胃散

六君子湯

異功散

四君子散

四方見內約

八珍湯

方見寒熱

人參養胃湯

方見癘症

霍亂吐瀉

錢仲陽云吐瀉壯熱不食或乳不消是傷乳也宜白餅子下之後用益黃散和胃若吐瀉身溫不乳大便青白此上實下虛也用益黃散加減治之大凡吐瀉身溫乍涼乍熱氣粗大便黃白吐乳不消此傷風熱也先服大

青膏發散後服益黃散和胃若吐瀉身熱多睡能乳吐  
痰大便秘水胃虛也先用白朮散生津止渴後用大青  
膏鈎藤飲發散風邪若夏至後吐瀉身熱或吐乳瀉黃  
此傷熱乳也用玉露散之類凡瀉乳腹痛按之而哭者  
食積痛也用白餅子下之按之不哭者脾胃氣虛也用  
五味異功散補之手足指冷者脾氣虛寒也用異功散  
加木香傷風吐瀉者風木尅脾土也亦用前藥若飲熱  
乳而瀉黃者濕熱壅滯也用四苓散如不愈或反甚者



元氣復傷也用白朮散瀉而腹中重墜者脾氣下陷也  
用補中益氣湯若服尅滯之劑而腹中窄狹者脾氣虛  
痞也用六君子湯若面黃瀉青脾虛而肝乘之也用六  
君柴胡升麻木香若多噫瀉黃心脾氣虛也用六君炮  
薑升麻生下半月旬日內吐者止宜調治其母恐嬰兒  
臟腑脆弱不勝藥餌故也

### 治驗

一小兒盛暑吐瀉米穀不化或用黃連香薷飲之類

腹脹作痛手足指冷此脾氣虛而伏陰在內也用五味異功散加木香治之而愈先君嘗云凡暑令吐瀉手足指熱作渴飲冷者屬陽症宜清涼之劑手足指冷作渴飲熱者屬陰症宜溫補之劑故凡病屬陰症誤用寒涼之藥死後手足青黯甚則遍身皆然於此可驗

一小兒吐瀉乳食色白不化露睛氣喘此脾肺不足形病俱虛也先用異功散加柴胡桔梗頓愈再用補

中益氣湯而安

一小兒吐瀉驚悸困倦腹脹此心火虛而脾土怯也  
用六君茯苓神酸棗仁而愈又用秘旨保脾湯乃瘥

一小兒吐瀉驚搐項強乃脾傷而肝侮形氣虛而病  
氣實也用異功散加鈞藤鈎補脾平肝而愈

一小兒吐瀉呵欠頓悶不語畏明屬脾肺不能生肝  
腎也用異功散補脾肺地黃丸補肝腎遂痊

一小兒吐瀉腹脹不乳此脾胃傷也先用香砂助胃

膏而飲食進後用六君子湯而脾胃健

一小兒寒熱作嘔飲食不入按其腹則哭此飲食停滯也先用大安丸遂安但唇目抽動大便稀黃此病邪去而脾氣虛弱也用六君子湯以補脾土釣藤鈎以平肝木悉愈

一小兒白睛多唇色白停食吐瀉困睡驚悸久治不愈余曰驚悸為心血虛怯困睡為脾氣虛弱皆稟脾腎不足所致也用補中益氣湯及六味丸加鹿茸而

愈

一小兒未週歲氣短喘急乳食少進時或吐乳乃脾傷而食積也先用六君山查枳實漸愈後吐瀉作渴用胃苓膏以治吐瀉白朮散以生胃氣而安

一小兒四歲每飲食失節或外驚所忤即吐瀉發搐服鎮驚化痰等藥後患益甚飲食不入藥食到口即嘔余用白朮一味和土炒黃用米泔水濃煎不時灌半匙尚嘔次日微嘔又一日不嘔漸加至半杯月餘

而愈

一小兒停食吐瀉身熱作渴瀉下紅白或青黃色服香連丸而愈甚兼手足指冷余謂始為實終為虛也用補中益氣湯加木香肉果而愈

一小兒傷食吐瀉大便溇泄或青綠色睡而露睛手足指冷額黑唇青此中氣虛弱寒水侮土也用五味異功散加升麻柴胡木香附子一劑而愈後患吐瀉不已先用胃苓散後用異功散而安

一小兒寒熱嘔吐或瀉青色余謂脾虛肝木所乘也  
用六君柴胡升麻治之而愈後因驚寒熱寅卯時益  
甚小便頻數久而不愈此肝火血虛先以小柴胡湯  
加白朮茯苓當歸二劑頓止又用地黃丸而愈

車前子散 治暑月霍亂吐瀉煩悶引飲不止小便不  
利

白茯苓 猪苓 香薷 車前子 炒 人參 各等  
分

右為末燈心湯調下

不換金正氣散 治脾胃不和寒熱往來臟腑虛熱霍

亂吐瀉

厚朴

薑製

藿香

陳皮

半夏

蒼朮

米泔浸

甘草

各灸

等分

右每服二三錢薑棗水煎服

二順散 治中暑霍亂吐瀉煩悶燥渴小便赤澀便血  
肚疼

猪苓

澤瀉

茯苓

杏仁

去皮尖  
雙仁炒

甘草

炙

白朮



乾薑

桂

各一兩

右為末每服半錢不拘時水調下或水煎服

又釀乳法

治胃虛吐瀉睡中吐舌搖頭嘔乳額上汗

流驚啼面黃令兒饑飲

人參 木香 藿香 沈香 陳皮 神麴 麥

芽

各等分

丁香

減半

右每服四錢薑十片紫蘇十葉棗三枚水煎每服半

盞令乳母食後捏去舊乳方服臥少時却與兒乳

胃苓湯又名胃苓散為末蜜丸名胃苓膏 治腸胃受

濕嘔吐泄瀉

白朮 茯苓 澤瀉 厚朴 猪苓 陳皮 甘

草

炒各少  
等分桂許

右為末每服二錢薑水燈心陳皮煎湯調下若停食  
吐瀉小便短少腹脹作痛用此以分利之更用六君

子湯以調補脾胃

益黃散

方見脾臟

理中湯

方見咳嗽

助胃膏

方見熱吐一名香砂助胃

白餅子

方見發搐

白朮散

方見積痛

釣藤散

方見慢驚

玉露散

方見

五苓散

方見五淋

香薷飲

方見嘔吐

定命飲子 方見

異功散

六君子湯 二方並見內鈞

大青膏 方見肝臟

補中益氣湯

大安丸 二方見虛羸即  
保和丸加白朮

香連丸 方見諸痢

小柴胡湯 方見瘧症

四苓散

方見五淋五苓散去桂

四君子湯

方見內鈞

魛病

巢氏云小兒魛病者婦人懷妊時有鬼神觸胎所致其狀微利寒熱往來毛髮擊鬢情思不悅宜服龍膽湯又小兒未斷乳母復有胎遂斷其乳羸瘦骨立髮黃壯熱大便不調名<sub>闕</sub>病又名<sub>闕</sub>病也用紫霜丸下之益黃散補之令兒斷乳但服消乳丸異功散有妊而抱<sub>闕</sub>兒亦

致此症海藏云魃病者因母有姙兒飲其乳致病如瘧痢腹大或瘥或發他人相近亦能致之北人有取伯勞鳥羽帶之云可愈者竊謂前症因邪氣所觸而患故用紫霜丸下之若元氣被傷吐瀉諸症者當隨各症治之

益黃散

方見脾臟

消乳丸

方見調護法

異功散

六君子湯

二方見內鈞

紫霜丸

龍膽湯

二方見噤風撮口

補中益氣湯

方見虛羸

冷瀉

湯氏云冷瀉者乃脾胃虛寒水穀不化而泄錢仲陽云小兒不能食乳瀉褐色身冷無陽也當用益黃散加減治之大便清白口不煩渴冷積瀉也理中湯主之若口鼻吸風寒之氣脾胃受生冷之食而作者先用理中湯

後用異功散命門火衰不能溫蒸中州之氣故脾胃虛寒者用益黃散及八味丸脾胃虛弱者五味異功散脾氣下陷者補中益氣湯脾氣虛寒者人參理中湯寒水侮土者益黃散肝木乘脾者四君柴胡散手足並冷者加木香乾薑治者審之

治驗

一小兒瀉利青白手冷面青或時吃逆余用人參理中湯更加腹痛仍以前湯加木香乾薑二劑稍緩又



以五味異功散加木香漸愈又用五味異功散加升麻調理而痊

一小兒腹痛作瀉飲食不化小腹重墜用補中益氣湯加乾薑為末每服錢許米飲調日二三服旬餘稍愈又以五味異功散為末米飲調服旬餘漸愈又以四君子湯而痊

一小兒泄瀉腹痛手足並冷唇青額黑余謂寒水侮土用益黃散痛止再用六君乾薑漏蘆子母服之頓

止又用人參理中湯而痊

一小兒久瀉兼脫肛小腹重墜四肢浮腫面色痿黃  
時或兼青諸藥到口即嘔吐審乳母憂鬱傷脾大便  
不實先用補中益氣湯五味異功散及四神丸調治  
其母不兩月子母並愈

一小兒患瀉乳食不化手足指冷服消乳丸食乳即  
瀉余用五味異功散加木香母子服之而愈後時搗  
唇口抽動用異功散加木香鈞藤鈞補脾平肝而痊

一小兒泄瀉手足發搐痰涎上湧手足指冷額黑唇  
青用五味異功散加木香炮薑補心火救脾土而愈  
一小兒年十四患泄瀉小腹重墜飲食甚少先用六  
君子湯送四神丸數劑瀉漸止飲食稍進又用補中  
益氣湯數劑下墜漸愈後因勞發熱自臍而起饑則  
熱甚用六君炮薑治之稍安又用加味歸脾補中益  
氣二湯而痊

人參理中湯

人參 白朮 炒 乾薑 炮 甘草 炙各等分

右每服一二錢水煎蜜丸即人參理中丸加附子即

附子理中湯

益黃散 方見脾臟

理中湯 方見咳嗽

四君子湯

六君子湯

五味異功散 三方見內鈞

補中益氣湯 方見虛羸

八味丸

方見腎臟即六味丸加肉桂五味子

四神丸

方見驚瀉

熱瀉

湯氏云小兒熱瀉者大便黃赤有沫乃臟中有積或蘊熱所致若小便赤少口乾煩躁當用四苓散熱甚者四逆丸右腮色赤飲冷胃經實熱也用瀉黃散惡冷喜熱胃經虛熱也用白朮散右腮及額間俱赤心脾翕熱也

用瀉黃散加炒黑黃連若左頰右腮俱赤肝火乘脾土也用四君子湯加柴胡若兒暴傷乳食用保和丸乳母尤當忌厚味節飲食若乳母停食所傷致兒吐瀉等病當治其母大抵始病而熱者邪氣勝則實也終變為寒者真氣奪則虛也久病而熱者內真寒而外假熱也久瀉元氣虛寒當參前症治之

治驗

一小兒夏間食粽傷胃吐而腹痛余用保和丸彼以

為緩另用重劑吐瀉並作腹痛益甚按其腹却不痛  
余曰此食已消而脾胃虛也當溫補之仍行消導昏  
憤發搐余用異功散加木香治之漸愈後復傷食另  
用去積丸吐瀉不食手足並冷睡而露睛變為瘧疾  
余用六君木香炮薑治之而愈

一小兒瀉而大便熱赤小便澀少此熱蘊於內也先  
用四苓散加炒黃連一劑其熱頓退又用白朮散去  
木香二劑熱渴頓止以四君升麻調理而痊

一小兒食炙燂甘甜之物常作瀉大便熱痛小便赤  
澁此膏梁積熱所致用四苓散清胃散各四服諸症  
稍退乃用四味肥兒丸而瘥

一小兒九歲食炙燂之物作瀉飲冷諸藥不應肌體  
消瘦飲食少思余用黃連一兩酒拌炒焦為末入人  
參末四兩粥丸小豆大每服四五十九不拘時白湯  
下服訖漸愈又用五味異功散加升麻服月餘而瘥  
後不戒厚味患疳積消瘦少食發熱作渴用九味蘆



蒼丸為主以四味肥兒丸為佐疳症漸退却以四味肥兒丸為主以五味異功散為佐而痊後又不禁厚味作瀉飲冷仍服肥兒丸異功散而愈

一小兒侵晨泄瀉服消疳清熱之劑不應余謂脾腎虛用二神丸治之不信仍服前藥形體骨立復求治用四神六味二丸治之尋愈停藥數日飲食漸減泄瀉仍作至十七歲畢姻瀉渴頓作用前藥治之無效乃用補中益氣湯八味丸而始應

一小兒因母怒氣停食患泄瀉服消導之劑更加吐  
乳先用養胃湯加炒黑黃連一錢吳茱萸三分木香  
四分治其母子亦灌一二匙悉愈後母傷食患血痢  
腹痛其子亦然治以四君子加前三味母子俱服因  
惑於人言但令母服子另服治痢之藥加作嘔不乳  
手足並冷余用五味異功散加木香炮薑漏蘆母子  
並服而愈

一小兒患瀉身熱作渴瀉下穢氣此為內熱而瀉也

用香連丸一服而愈後患瀉服黃連香薷飲益甚余  
用六君木香肉果而愈

一小兒患瀉作渴飲冷手足並熱睡不露睛此為熱  
瀉用黃芩湯一劑而愈又用白朮散二服而安

一小兒患瀉面赤飲冷小便赤色先用四苓散香連  
丸各一服而便利勢減又用異功散加木香黃連各  
二分吳茱萸一分二服而愈

一小兒瀉而腹痛按之不痛用異功散加升麻而愈

後復瀉服消乳丸益加腹痛余謂脾氣傷也復用異功散加木香而痊

一小兒吐瀉腹痛睡而露睛小腹重墜手足並冷先用六君升麻乾薑四服而痛墜愈又用異功散加升麻木香而悉愈後又傷食腹痛別服祛逐之劑虛症悉具余用理中丸六君子湯而尋愈但噫氣下氣口角流涎此脾胃虛寒也復用理中六君子二湯而愈黃芩湯治下痢頭痛胸滿口乾或寒熱脇痛不時嘔

吐其脈浮大而弦

黃芩

一兩  
五錢

芍藥

甘草

炒各  
一兩

右每服二三錢薑水煎嘔加半夏二錢

玉露散 治吐瀉黃色

寒水石

石膏

各半  
兩

甘草

一  
錢

右為末每服半錢白滾湯調服

四味肥兒丸

方見嘔吐

異功散

方見內釣

二神丸

二方見驚瀉

四神丸

二方見驚瀉

八味丸

即六味丸加肉桂  
五味方見腎臟

調中湯

即理中湯  
方見咳嗽

白朮散

方見積痛

四苓散

即五苓散去  
桂方見五淋

四逆散

方見積滯

胃苓湯

方見吐瀉

養胃湯

方見瘧症

清胃散

四君子湯

六君子湯

三方見內鈞

保和丸

方見虛羸

香連丸

方見諸痢

食瀉

東垣云傷食則惡食小兒食瀉者因飲食傷脾氣不

能健運故乳食不化而出若噯臭吞酸胸膈脹滿腹痛  
按之益痛者雖作瀉而所停滯之物尚未消也用保和  
丸腹痛按之不痛者乳食已消也用異功散脾氣傷而  
未復不思飲食者用六君子湯所傷生冷之物及喜熱  
者並加木香乾薑乳食已消腹痛已止瀉尚未止者脾  
失清升之氣也用補中益氣湯餘有別症當參各門

治驗

一小兒泄瀉不食噯腐酸氣用平胃散一服而瀉止



又用五味異功散而飲食增後復吐泄瀉喘嗽手足  
指冷面色黃白余謂脾虛不能生肺也用六君升麻  
桔梗而愈

一小兒傷食作瀉發熱服寒涼藥熱甚作嘔此胃經  
虛熱也先用四君升麻而嘔止又用白朮散而安

一小兒乳哺失節泄瀉腹痛自用藥下之反加痰搐  
又服化痰止搐之藥而痰搐益甚睡而露睛手足微  
冷余以謂脾胃已虛而重傷之也用異功散加木香

釣藤鈎母子並服三日而痰搐止五日而瀉痛除

一小兒傷食瀉青發搐余謂肝木勝脾也用六君木香鈎藤鈎而愈後傷食腹痛別用消食丸唇額頓黑瀉益甚此脾氣虧損寒水反來侮土也用六君木香乾薑而痊

一小兒面色痿黃傷食作瀉面色頓白氣喘痰湧余謂脾肺氣虛下陷法當升補彼不信別服清氣化痰之藥虛症蜂起余先用補中益氣湯一劑諸症頓退

又用五味異功散而痊

一小兒泄瀉兩寸脈或短或伏用補中益氣治之頓愈余見患前症不服此藥而危者多矣惜哉

一小兒飲食後即瀉先用六君升麻神麩山查而止又用五味異功散加升麻而痊後傷食吐瀉腹痛用保和丸二服又用異功散調補脾氣而安

一小兒傷食作瀉腹脹四肢浮腫小便不利先用五苓散加木香旬餘諸症漸退又用五味異功散為主

佐以加減腎氣丸又旬日二便調和飲食漸進浮腫旋消乃以異功散調理而愈

一小兒十三歲傷食作瀉服尅伐之劑胸腹膨脹手足並冷余謂當調補中氣不信後見睡而露睛唇口搐動乃用六君木香鈞藤鈎至四劑搐動頓止又二劑飲食加進以五味異功散加升麻柴胡膈寬瀉止而愈

調中湯 治傷乳食瀉後脾胃虛噦吐瀉

人參 茯苓 白朮 木香 乾薑 藿香 香

附

炒去毛

縮砂仁

甘草

炙

丁香

各等分

右水煎食前服

香橘餅 治傷冷積瀉

木香

青皮

各一錢

陳皮

二錢五分

厚朴

神麩

麥芽

炒各

半兩

右為末蜜丸為餅每服一枚米飲調下

保安丸 治傷食瀉

白僵蠶

青皮

去穢

陳皮

去白

三稜

炮

蓬朮

炮

甘草

各炒

五錢砂仁

香附

各一兩

右為末用麥芽米糊丸菴豆大每服二三丸白湯下

四君子湯

六君子湯

異功散

三方並見內鈞

白朮散

方見積痛

平胃散

方見胃氣虛冷

白餅子

方見發搐

消食丸

方見嘔吐乳

補中益氣湯

保和丸

加白朮名保和湯二方見虛羸

胃苓散

即五苓散平胃散合用蘆棗煎服又名胃苓湯

金匱加減腎氣丸

方見腹脹

驚瀉

小兒驚瀉者肝主驚肝木也盛則必傳尅於脾脾土既

衰則乳食不化水道不調故泄瀉色青或兼發搐者蓋  
青乃肝之色搐乃肝之症也亦有因乳母脾虛受驚及  
怒動肝火而致者經曰怒則氣逆甚則嘔血及餐泄法  
當平肝補脾慎勿用峻攻之藥脾氣益虛肝邪彌甚甚  
至抽搐反張者亦肝火熾盛中州虧損之變症也凡見  
驚症即宜用四君六君異功散等方加白附子定風柴  
胡平肝引經以杜漸則必不至瀉搐而自安矣今已見  
瀉吐驚搐尚不知補脾平肝以保命抱龍鎮驚等藥治



之其亦去生遠矣

治驗

一小兒因驚久瀉面色青黃余謂肝木勝脾土也朝  
用補中益氣湯夕用五味異功散加木香子母俱服  
而愈

一小兒泄瀉驚搐其母面青脈弦先用小柴胡湯加  
木香漏蘆一劑次用四君木香釣藤鈎山拖母子同  
服而愈

一小兒因其母被驚患瀉服藥傷胃反致吐乳余用  
五味異功散炒黑黃連木香治其母時灌子三二匙  
俱愈後母因鬱怒停食下痢嘔吐腹痛其子昏憤不  
食以六君子湯加車前子黃連木香母子俱服而安  
一小兒久瀉青色腸鳴厥冷余曰此驚泄也脾土既  
虧則肝木來侮須溫脾平肝然後可愈彼以為迂自  
用治驚等藥腹脹重墜小便不利四肢浮腫始信前  
言重複請治余先用五味異功散加升麻柴胡數劑

諸症稍可又以補中益氣湯數劑飲食少加又因傷  
食夾驚吐瀉發搐復用異功散加柴胡鈞藤鈞四劑  
諸症稍退又傷風咳嗽腹脹作瀉或用發散解痢之  
劑手足逆冷睡中發搐余謂此脾土虛而肺金受症  
重傷真氣故也用異功散加紫蘇一劑以散表邪次  
以補中益氣湯加茯苓半夏調補真氣而痊

一小兒因驚吐瀉腹脹先用六君木香柴胡治之稍  
可又以五味異功散而愈後因驚搐痰甚或用鎮驚

化痰之藥倦怠不食而泄益甚先用異功散加木香  
釣藤鈎四劑而愈

四神丸 治脾虛胃弱大便不實飲食不思或泄痢腹  
痛

肉豆蔻 二兩 補骨脂 四兩 五味子 二兩 吳茱萸 一兩

右為細末用紅棗六十五枚生薑六兩用水二鍾煮  
乾取棗肉和丸如桐子大每服五六十九白湯送下  
或化服

二神丸

補骨脂

四兩

肉豆蔻

二兩  
生用

右為末用紅棗四十九枚生薑四兩用水一鍾煮乾  
取棗肉和丸桐子大每服二三十丸白滾湯下

朱君散 治吐瀉後有此症并糞青者宜服之即四君  
子湯加辰砂麝香燈心鈞藤鈎為末每服一錢白湯  
調下 方見內鈞

太乙丹 常服安神鎮驚止夜啼

桔梗

炒

藿香葉

白扁豆

炒各半兩

白芷

川芎

各二

錢五

分

右為末蜜丸芡實大辰砂為衣每服一九薄荷湯磨下  
冀青者棗湯下夜啼燈心釣藤湯下加白朮茯苓  
白芍藥尤妙

補中益氣湯

方見虛羸

六君子湯

五味異功散

二方並見內釣

小柴胡湯

至聖保命丹

二方並見痲症

八味丸

即六味丸加五味肉桂方見腎臟

諸痢

錢仲陽云瀉痢黃赤黑皆熱也瀉痢青白米穀不化皆冷也東垣云白者濕熱傷於氣分赤者濕熱傷於血分赤白相雜氣血俱傷也海藏用四君芎歸治虛弱之痢四君乾薑治虛寒之痢愚嘗治手足指熱飲冷者為實

熱用香連丸手足指冷飲熱者為虛寒用異功散送香  
連丸若兼體重肢痛濕熱傷脾也用升陽益胃湯小使  
不利陰陽不分也用五苓散若濕熱退而久痢不愈者  
脾氣下陷也用補中益氣湯倍加升麻柴胡瀉痢兼嘔  
或腹中作痛者脾胃虛寒也用異功散加炮薑木香或  
變而為瘧者肝尅脾也用六君升麻柴胡鈞藤鈎若積  
滯已去痢仍不止者脾氣虛也用四君子送下香連丸  
若因乳母膏梁厚味六淫七情致兒為患者當各推其



因仍兼治其母并叅冷熱瀉及積滯腹痛等症覽之

治驗

一小兒下痢赤白裏急後重腹時痛用香連丸而痊  
後傷食復變痢欲嘔少食用五味異功散加木香三  
分黃連二分吳茱萸一分數劑而愈

一小兒患痢口乾發熱用白朮散煎與恣飲時以白  
朮散送香連丸而安

一小兒久痢裏急後重欲去不去手足並冷此胃氣

虛寒下陷也用補中益氣湯加木香補骨脂倍加升麻柴胡而愈

一小兒久痢作渴發熱飲湯用白朮散為主佐以人參二兩黃連一兩炒黑為丸時服數粒盡劑而痊

一小兒作瀉不乳服尅伐之劑變痢腹痛後重余用補中益氣湯送香連丸又用香砂助胃膏六君子湯而愈

一小兒傷乳食不時嘔吐雜用消導之藥變痢不止

先用六君木香漸愈後用七味白朮散而痊

一小兒傷乳食吐瀉變赤痢後重腹痛先用香連丸而愈又乳食過多腹痛先用保和丸一服痛止又用五味異功散加木香二劑而愈

一小兒下痢腹痛陰冷小便短少用五味異功散加肉豆蔻頓愈復作嘔吐噯酸或用巴豆之藥連瀉五次飲食頓減手足並冷余用五味異功散加木香乾薑飲食少進倍用乾薑又四劑手足溫而痢亦痊

一小兒痢後腹脹作嘔大便不實小便不利諸藥不  
應余先用五味異功散加木香肉果數服二便少調  
又數劑諸症少愈用八味丸補命門之火腹脹漸消  
用金匱加減腎氣丸諸症頓退又用四君升麻柴胡  
而全安

一小兒患痢喘嗽不已此肺氣虛也用六君子加木  
香為末每服錢許以人參陳米薑湯調服即睡乳食  
少進又二服而喘嗽頓安乃用四君子湯而痊

石蓮散 治小兒噤口痢嘔逆不食

蓮肉

右為末每服一錢米飲調一方山藥末米飲調下

胃苓湯 治風冷客於腸胃乳食不化泄瀉腸鳴腹滿而痛或下如豆汁或瘀血日夜無度

白芍藥 白朮 肉桂 人參 當歸 川芎

茯苓

右為末每服二錢入粟米水煎空心熱服

香連丸

黃連

十兩用吳茱萸五兩水拌濕入磁器頻滾湯中半日炒焦黑

木香

二兩

右為末丸如赤豆大每服二三丸白湯下

地榆飲 治冷熱痢腹痛下痢赤白頻併

地榆

三分

甘草

赤芍藥

炒

枳殼

各二分

右水煎服

黃連解毒湯 治時疾三日汗已解若煩悶乾嘔口燥

呻吟發熱不臥

黃連

炒三錢

黃栢

炒半兩

梔子

炒四枚

黃芩

炒二錢

右每服二三錢水煎未效再服亦治熱痢

湯氏異功散 止渴消暑生津

澤瀉

猪苓

去皮三錢

陳皮

二錢半

白朮

茯苓

人參

各五錢 辰砂 一錢

右為末蜜丸芫實大每服一九燈心竹葉湯化下

升陽益胃湯

黃芪

一錢

半夏

人參

甘草

各一錢

獨活

防風

白芍藥

羌活

各五錢

陳皮

茯苓

柴胡

澤瀉

各三分

白朮

黃連

炒各一錢

右水二鍾薑三片棗二枚煎四分食遠服

五苓散

方見五淋

愚按前症若津液偏滲於大腸大便瀉而小便少者宜用此藥分利若陰陽已分而小便短少此脾肺虛而不能生水也宜用補中益氣湯加門冬五味虛火上炎而小便赤少者此肺氣受傷不能生水也用六



味加門冬五味不可槩以小便利而用滲泄之劑也

四君子湯

六君子湯

五味異功散

三方並見內鈞

補中益氣湯

保和丸

二方見虛羸

香砂助胃膏

方見熱吐

白朮散

方見積疔

八味丸

方見腎臟

金匱加減腎氣丸

方見腹脹

瘧

經曰夏傷於暑秋必瘧瘧其症先起於毫毛伸欠乃作寒慄鼓頷腰脊俱痛寒去則內外皆熱頭痛如破渴欲飲冷蓋邪氣并於陽則陽勝并於陰則陰勝陰勝則寒陽勝則熱陰陽上下交爭虛實更作故寒熱間發也有

一日一發二日一發三日一發有間一日連二日發有  
日與夜各發有上半日發下半日發及發於夜者有有  
汗有無汗此其畧也以詳言之當分六經五臟及痰食  
勞暑鬼瘴之不同邪中三陰之各異如足太陽之瘧令  
人腰痛頭重寒從背起先寒後熱焯焯暍暍然熱止汗  
出難已足少陽之瘧令人身體解休寒不甚熱不甚惡  
見人見人心惕惕然熱多汗出甚足陽明之瘧令人先  
寒洒淅洒淅寒甚久乃熱熱去汗出喜見日月光火氣

乃快然足太陰之瘧令人不樂好太息不嗜食多寒熱汗出病止則善嘔嘔已乃衰足少陰之瘧令人嘔吐甚多寒熱多寒少欲閉戶而處其病難已足厥陰之瘧令人腰痛少腹滿小便不利如瘧狀非瘧也數便意恐懼氣不足腹中悒悒此六經瘧也肺瘧者令人心寒寒甚熱熱間善驚如有所見者心瘧者令人煩心甚欲得清水反寒多不甚熱肝瘧者令人色蒼蒼然太息其狀若死者脾瘧者令人寒腹中痛熱則腸中鳴鳴已汗出

腎瘧者令人洒淅然腰脊痛宛轉大便難目眴眴然手足寒胃瘧者令人且病也善饑而不能食食而支滿腹大此五臟瘧也痰瘧者胸膈先有停痰因而成瘧令人心下脹滿氣逆煩嘔是也食瘧者是飲食傷脾其人噫氣吞酸胸膈不和是也勞瘧者久而不瘥表裏俱虛客邪未散真氣不復故疾雖間遇勞即發是也暑瘧者其人面垢口渴雖熱已退亦常有汗是也鬼瘧者進退無時是也瘴瘧者感山嵐瘴氣其狀寒熱休作有時是也

作於子午卯酉日為少陰瘧作於寅申巳亥日為厥陰瘧作於辰戌丑未日為大陰瘧此所謂三陰各異也久而不愈名曰痲瘧痲瘧老瘧也老瘧不愈結癖於兩脇之間名曰瘧母此先失於解散或復外感風寒內傷飲食故纏綿不已也治法風暑之邪從外而入宜解散之解表後即宜扶持胃氣故丹溪曰無汗要有汗散邪為主有汗要無汗固正氣為主驟發之瘧宜解表久發之瘧宜補脾寒瘧宜溫溫瘧宜和痺瘧宜清挾痰則行痰

兼食則消食勞瘧宜安暑瘧宜解鬼瘧宜祛瘴瘧宜散  
此亦其畧也更以詳言之則熱多寒少者小柴胡湯寒  
多熱少者清脾飲子無汗者桂枝麻黃各半湯有汗者  
柴胡桂枝湯渴而小便不利者五苓散熱多汗出腹滿  
便閉者大柴胡湯痰瘧者二陳湯加柴胡黃芩甚者加  
枳實食瘧者先用大安丸次用異功散勞瘧瘧瘧並用  
補中益氣湯暑瘧者十味香薷飲鬼瘧者鬼哭散瘴瘧  
者四獸飲瘧母者蠶甲飲凡脾胃虛而患瘧者不拘有

汗無汗三陰六經悉以六君子湯為主熱多加柴胡山  
梔寒多加乾薑肉桂有汗加黃耆浮麥無汗加蒼朮葛  
根元氣下陷及肝木乘脾並加升麻柴胡為善若用青  
皮草果常山等藥以為攻截良法正氣益虛邪氣益深  
是多延綿不止而為勞熱者有矣若乳母七情六欲飲  
食不調或寒熱似瘧肝火熾盛致兒為患者又當治其  
乳母斯無誤矣

治驗



一小兒先因停食腹痛服峻厲之劑後患瘧日晡而作余以為元氣下陷欲治以補中益氣湯不信泛行清熱消導前症益甚食少作瀉余朝用前湯夕用異功散加當歸月餘而愈

一小兒每午前寒後熱久不愈用六君子加炮薑丸芡實大每服一九旬餘而愈

一小兒患瘧兼便血盜汗年餘矣審乳母素有鬱怒寒熱便血朝用加味歸脾湯夕用加味逍遙散兒以

異功散加酒炒芍藥為末每服三四分米飲下月餘  
母子並痊

一小兒瘧發熱服消導之劑腹脹作嘔四肢浮腫先  
用五味異功散加木香諸症頓退飲食頓進後因飲  
食過多作瀉用補中益氣湯加木香又用五味異功  
散而痊

一小兒瘧後腹脹咳嗽倦怠屬脾肺氣虛用補中益  
氣湯茯苓半夏尋愈後傷食發熱如瘧服寒涼之劑

更加便血用四君升麻柴胡便血頓止又用補中益氣湯而愈

一小兒瘡將愈飲食過多腹脹發熱小便不通用消積丸保和丸異功散尋愈後飲食不節寒熱吐瀉用異功散柴胡升麻愈

一小兒瘡後少思飲食便血發熱腹脹屬脾虛不能統血先用異功散加升麻柴胡而血止又補中益氣湯飲食頓進仍用異功散而痊

一小兒瘡後腹脹用五味異功散四味肥兒丸而漸愈用補中益氣湯而愈後傷食腹脹大便不實小便不利用五味異功散金匱加減腎氣丸而愈

一小兒愈後便瀦用補中益氣湯加山梔而小便通因勞發熱不食小便不利用補中益氣五味異功散加升麻柴胡而痊後每勞心寒熱如瘡用補中益氣湯飲食失節如瘡用五味異功散隨愈

一小兒十四歲瘡後肚腹膨脹小便不利屬脾腎虛

寒朝用補中益氣湯夕用金匱加減腎氣丸而痊畢  
姻後朝寒暮熱肌體消瘦服滋陰之劑更痰甚發熱  
腹中作脹小便不利余朝用補中益氣湯夕用金匱  
加減腎氣丸而愈

一小兒瘧疾將愈飲食過多腹脹發熱大便不通用  
消積丸保和丸異功散調理脾胃而愈後飲食不節  
寒熱吐瀉先用胃苓散吐瀉止又用異功散柴胡升  
麻寒熱愈

一小兒十五歲瘧後發熱吐痰余謂脾氣所變不信  
反服黃栢知母之類諸症悉具謂余曰闕火盛而滋  
水其症益甚何也余曰症在脾陰上喜溫和而惡寒  
濕前所用藥悉屬沈陰復傷其生氣故病愈甚也先  
用六君柴胡升麻木香四劑諸症頗愈乃佐以異功  
散加柴胡升麻元氣漸克又朝用補中益氣湯夕用  
異功散而愈畢姻後發熱如瘧用補中益氣湯寒熱  
益甚手足並冷另用清熱等藥大便去則小便牽痛

小便去則大便先出余謂此陰精已耗而復傷耳乃  
腎氣虛寒之危症也用大劑補中益氣湯八味地黃  
丸喜其遠幃幙而生

柴胡桂枝湯 治瘧身熱多汗

柴胡

八錢

黃芩

三錢

半夏

二錢

芍藥

半錢

甘草

各

桂枝

三

錢

右每服二三錢薑棗水煎

鬼哭散 治瘧久不止

常山 大腹皮 白茯苓

鼈甲 甘草

炙各六錢

右入桃樹枝各七寸水煎服

清脾飲子

治痺瘧脈弦數但熱不寒或熱多寒少膈

滿不食口苦舌乾煩渴小便黃赤大腸不利

青皮

炒

厚朴

薑製

白朮

草果

柴胡

茯苓

半

夏

炮七次

黃芩

甘草

炙各等分

右每服二三錢薑水煎服

四獸飲

治陰陽相勝結聚涎飲為瘧兼治瘴癘神效



半夏 茯苓 人參 白朮 草果 橘紅 各等分

甘草

減半

右用烏梅薑棗濕紙裹煨香熟焙乾入藥每服二錢  
水煎服

鼈甲飲子 治瘧久不愈脇下痞滿形容羸瘦腹中結

塊時發寒熱名曰瘧母

鼈甲

醋炙

白朮

甘草

黃耆

白芍藥

川芎

人參養胃湯 治外感風寒內傷生冷寒熱如瘧或嘔

逆惡心寒瘧加桂枝

人參 厚朴 蒼朮 半夏炮 藿香 草薢仁

茯苓

各五錢

甘草

炙

橘紅

二錢半

右每服二三錢薑七片烏梅一箇水煎熱服

桂枝麻黃各半湯 治發熱自汗或無汗

桂枝 白芍藥 生薑 甘草炙 麻黃各一錢 杏仁

十箇炮

去皮尖

右水一鍾大棗二枚煎四分食遠服

五苓散

方見五淋

小柴胡湯

大柴胡湯

二方見瘕症

二陳湯

方見寒吐

大安丸

即保和丸  
加白朮

補中益氣湯

方見虛羸

十味香薷飲

方見嘔吐乳


六君子湯

加味歸脾湯

加味逍遙散

異功散

四方見內鈞



薛氏醫案卷六十

欽定四庫全書

子部

薛氏醫案卷六十一

詳校官太醫院醫官臣姜晟

編修臣倉聖脈覆勘

總校官原任中允臣王燕緒

校對官助教臣卜維吉

謄錄監生臣魏溥權

欽定四庫全書

薛氏醫案卷六十一

保嬰撮要八

脫肛

夫肺與大腸相為表裏肛者大腸之魄門是也巢氏云實執則太便秘結虛寒則肛門脫出此多因吐瀉脾氣虛肺無所養故大腸之氣虛脫而下陷也用補中益氣

明薛己訂

或四君子為主若脫出緋赤或作痛者血虛而有熱也  
用補中益氣湯佐以四物牡丹皮微者或作痛者氣虛  
而有熱也佐以四君牡丹皮大凡手足指熱者屬胃氣  
熱手足指寒者屬胃氣寒

治驗

一小兒痢後脫肛飲食少思面色青黃余謂脾土虧  
損肝木所勝也不信另服消導尅滯之劑腹痛膨脹  
倦怠作嘔余曰脾氣虛甚矣又不信恪服前藥腹益

脹重墜四肢浮腫復請治之仍欲尅滯余曰腹脹重墜脾氣下陷也先用五味異功散加木香四劑更手足冷又加乾薑四劑而腹脹諸症漸愈後因飲食過多作瀉脫肛用補中益氣湯加木香及五味異功散而愈

一小兒脫肛半載侵晨便泄兩目白多用升補脾氣之劑不應余曰腎開竅於二陰此屬腎虛也用四神地黃二丸及補中益氣湯月餘而愈



一小兒痢久脫肛目睛多白面色漸黃余用補中益氣湯六味地黃丸調補脾胃而痊

一小兒小便先頻數澁滯次下痢脫肛久而不愈余以為稟父腎虛用六味地黃丸尋愈後患泄瀉咳嗽聲瘖亦用前丸而瘥

一小兒脫肛用寒涼之藥肢體倦怠飲食少思肛門重墜此脾氣虛而中氣下陷也用補中益氣湯加酒炒芍藥白朮茯苓而瘥

一小兒肛門腫痛出血水年餘未愈忽吐血便血皆成紫塊此腸胃積熱用聖濟犀角地黃湯頓止更用金銀花甘草為末白湯調服半載而痊

一小兒脫肛雜用除濕祛風收澇等藥面黃體倦少食便血余欲升補脾氣以攝其血反服四物槐花之類而血益甚更加作嘔余先用四君木香治之形氣漸充便血頓止又用補中益氣湯更以草麻仁塗頂心而愈

一小兒因咳嗽服化痰等藥或作或徹服滾痰丸更吐瀉手足指冷着目發搐肛門脫而不赤余朝用補中益氣湯夕用六君子湯治之諸症漸愈但脫肛未入恪服補中益氣湯而愈

一小兒患痢脫肛色赤或痛用補中益氣湯送香連丸而愈後傷食作瀉肛復脫不入仍用前湯更以草薢仁研塗頂門而愈

澁腸散 治小兒久痢腸頭脫出

訶子

炮

赤石脂

龍骨

各等分

右為末臘茶少許和藥摻腸頭上

嗣

四神丸

方見驚瀉

地黃丸

方見腎臟

補中益氣湯

方見虛羸

聖濟犀角地黃湯

方見便血尿血即  
濟生犀角地黃湯

四君子湯

方見內鈞

龍膽瀉肝湯

方見疝氣

肛門作痒

小兒肛痒或嗜甘肥大腸濕熱壅滯或濕毒生蟲而蝕  
肛門若因濕熱壅滯用四味肥兒丸大便秘結者用清  
涼飲蟲食肛門先用化蟲丸後用四味肥兒丸外以雄  
黃散納肛內若因病不食蟲無所養而食臟食肛者其  
齒齟無色舌上盡白四肢倦怠其上唇內有瘡唾血如  
粟心內懊懣此蟲在上食臟若下唇內有瘡此蟲在下  
蝕肛門若蝕肛透內者不治諸蟲惟上半月頭向上可

用藥追之望後頭向下令患者聞烹食香味蟲頭即向上矣後用藥追之

### 治驗

一小兒嗜膏粱甘味患疥瘡余謂當禁其厚味急用清胃之藥以治其積熱不從乃用敷藥以治其外更肛門作痒發熱瘡益甚肌體骨立飲食少思遂用九味蘆薈丸五味異功散加柴胡升麻尋愈

一小兒肛門作痒耳前後結小核如貫珠隱於肌肉

之間小便不便面色青此稟母之肝火為患用九味蘆薈丸為主佐以五味異功散加山梔柴胡又以加味道遙散加漏蘆與母服之而愈

一小兒十二歲肛門作痒或脫出或大便血遍身生瘡發熱作渴腹大青筋用大蘆薈丸五味異功散其瘡漸愈佐以補中益氣湯熱渴漸止肛門悉愈又用異功散為主佐以補中益氣湯加吳茱萸所製黃連治之而血愈

一小兒十五歲兩目白翳遍身似疥非疥肛門作痒  
晡熱口渴形體骨立余以為肝疳之症也用六味地  
黃丸而痊後陰莖作痒小便澄白服蟠葱散肛門腫  
痛服大黃等藥肛門脫出作痒不可忍雜用降火之  
藥不應下唇内生小白瘡余以為蟲蝕肛門用九味  
蘆薈丸而愈

一小兒肛門作痒悞以為痔服槐角丸等藥肢體消  
瘦鼻下濕爛下唇内生瘡此蟲食下部也先用化蟲



丸二服乃用五味異功散四劑却用大蕪萸湯四味肥兒丸而痊

一小兒七歲飲食過多即作瀉面色青黃服峻利劑劑余謂當節飲食健脾胃為善不信後牙齦赤爛肛門作痒服清熱之劑腹痛膨脹復請欲用前劑余曰此元氣虧損虛火上炎也乃不信後腮間黑腐余曰此脾氣大虛肉死而不知痛也明矣後雖信余已不救矣若初用五味異功散健脾胃為主佐以大蘆薈

丸四味肥兒丸清脾濕熱豈有不治之理哉後之患  
審之

一小兒肛門作痒屬大腸經風熱用槐角丸而愈

一小兒肛門連陰囊痒出水淋漓屬肝經濕熱也用  
龍膽瀉肝湯九味蘆薈丸治之並愈

一小兒嗜甘肥肛門作痒發熱作渴雜用清熱之氣  
腹脹少食鼻下生瘡余謂脾胃濕熱生蟲也不信後  
下唇内生瘡先用四味肥兒丸諸症漸愈又用大蘇

萸湯治之而痊

便血尿血

經云肺朝百脈之氣肝統諸經之血又云氣主响之血主濡之蓋榮血為水穀之精氣灌溉五臟六脈四肢百骸若脾胃有傷榮衛虛弱行失常道故上為衄血吐血下為尿血便血矣若外感風邪則血鮮為腸風內傷則血濁為臟毒又熱入大腸則大便下血熱入小腸則小便出血然小兒多因胎中受熱或乳母六淫七情厚味

積熱或兒自食甘肥積熱或六淫外侵而成若因母食  
厚味者加味清胃散怒動肝火者加味小柴胡湯憂思  
鬱怒者加味歸脾湯稟父腎燥者六味地黄丸兒有積  
熱小便出血者實熱用清心蓮子飲虛熱用六味地黄  
丸大便出血者犀角地黄湯風邪外侵者倉廩散病後  
元氣下陷者補中益氣湯糞前見血者四君加黃連製  
吳茱萸糞後見血者四君加吳茱萸製黃連若嬰兒以  
治母為主餘當臨症制宜

治驗

一小兒七歲食菱芡過多腹脹發熱大便不通小便下血先用消積丸大便即通小便血止又用保和丸及異功散而愈

一小兒因乳母飲酒小便出血用八正散去大黃加乾葛山柰漏蘆母子服之並愈

一小兒小便見血或咳血衄血此脾肺虛熱食後用聖濟犀角地黃湯食前用六味地黃丸頓愈後因食

厚味復作用加味清胃散及六味丸而愈

一小兒稟父氣不足不時便血用六味地黄丸補中益氣湯而愈後因母飲酒炙煇復致前患母服加味清胃散子服地黄丸而愈

一小兒便血兩足發熱齒齲潰臭朝用六味地黄丸夕用異功散加蕪荑月餘漸愈乃佐以補中益氣湯而愈

一小兒稟父腎虛便血作渴足熱形瘦用六味丸尋

愈後出痘第四日兩足發熱作渴飲冷以前九料煎與恣飲三劑後足涼渴止其痘安然而靨

一小兒便血面青脇痛小便頻數此肝木侮脾土而不能統攝也用異功散加柴胡炒黑龍膽草二劑肝症頓退仍用異功散而血止

一小兒便血發熱作渴飲冷用黃連解毒湯一劑熱服諸症頓愈後因飲食過傷下血甚多發熱倦怠飲食少思先用補中益氣湯元氣復而飲食者又用四

君加升麻而愈

一小兒便血作渴少食先用七味白朮散渴止食進  
又用補中益氣湯而瘥後食生冷腹脹便秘用保和  
丸二便下血或時發搐此脾氣傷而肝火動也用異  
功散加鈎藤鈎柴胡而搐止又加升麻木香而血止  
一小兒食生冷果品腹脹作痛發熱作渴大便不利  
小便尿血用茯苓散加黃連二劑大便通而尿血愈  
一小兒尿血兩足發熱用六味地黃丸而愈後患痢



久不愈復尿血作渴飲冷以前丸料煎服兼用補中益氣湯而愈

一小兒尿血面青脇痛小便頻數用五味異功散加柴胡炒黑龍膽草次用地黃丸而愈

一小兒久患便血屬脾胃虛熱也諸藥不應用人參二兩炒黑黃連吳茱萸各半兩為末米糊作丸佐以補中益氣湯頓痊

一小兒便血面黃腹脹用四味肥兒丸及補中益氣

湯加吳茱萸製黃連木香蕪萸三十餘劑而愈至夏  
間患血痢發熱晡熱手足浮腫仍用前藥而痊

一小兒八歲腹脹臍凸大便下血如痢小便色赤似  
血面目皆黃兩腮色赤此食積所傷而肝侮之也蓋  
脾病則肺虛不能生腎故有是症當先消導積滯遂  
用越鞠丸加三稜蓬朮薑湯下四服二便通利又用  
大安丸二服下血亦止後復傷食發熱腹脹小便下  
血服保和丸四服而愈

一小兒年十一歲因勞發熱尿血小便不利先用清  
心蓮子飲二劑後用補中益氣湯加山梔而痊

一小兒便血服寒藥過多腹脹小便不利其血益甚

余朝用補中益氣湯夕用金匱加減腎氣丸而痊

甘露飲 治小兒胃中客熱齒齕潰爛時出膿血及目

赤腫痛口瘡喉腫或身面背黃大便不調小便黃澀

熟地黄 枳殼炒 茵陳 麥門冬去心 甘草炙 枳

杷葉 石斛 黃芩炒 生地黃 天門冬去心 各等分

右為末每服二錢水煎服

聚金丸 治大便下血發熱煩燥腹中熱痛作渴妄言

舌澁目昏其脈弦數

黃連

一兩水浸晒乾一兩炒  
一兩反火煨一兩生用

黃芩

防風

各一兩

右為末每服二錢水煎服

愚按前方若肝脾積熱吐血衄血便血發熱作渴大便  
便秘小便赤者宜用之若熱既退而作渴下血未止  
或日晡益甚者陰血虛也用四物參朮主之若熱既

退飲食少思肢體倦怠脾氣虛也用四君當歸主之  
若槩用前方則誤多矣

濟生犀角地黄湯 治傷寒溫病失於表汗致內有瘀

血吐血面色黃大便黑及瘡痘出多以此解之

牡丹皮 犀角

各一兩

生地黃

八錢

赤芍藥

七錢

右每服二錢水煎服

千金地黄丸 治小腸積熱臟毒去血

黃連

四兩

生地黃

半斤

搗取汁連

滓拌勻晒乾

右為末煉蜜丸桐子大每服一二十九食後麥門冬湯下量兒加減

### 製黃連吳茱萸法

右以黃連吳茱萸各等分熟水拌濕入磁器內熱湯中良久俟氣味相和取出晒乾炒黃各揀出聽用

清心蓮子飲 方見白濁

小柴胡湯 方見瘕症

加味歸脾湯

越鞠丸

四君子湯

清胃散

異功散

五方見內鈞

補中益氣湯

保和丸

大安丸

三方見虛羸即保和丸加白朮

加減腎氣丸

方見腹脹

八正散 方見小便不通

六味丸 方見腎臟

茯苓散 方見尿白

下積丸

白朮散 二方見積

四味肥兒丸 方見寒吐

大便不通

嬰童百問云小兒大便不通乃肺與大腸有熱以致秘



結不通用清涼飲之類若飲食夾驚及積滯而不通者  
用大連翹飲之類驚風積熱而不通者用掩臍法此皆  
治實熱之例也余嘗治之因乳母或兒膏粱積熱及六  
淫七情鬱火傳兒為患者用清邪解鬱之劑稟賦怯弱  
早近色慾大便難而小便牽痛者用滋補肺腎之劑褚  
氏遺書云男子精未滿而御女以通其精則四體有不  
滿之處異日有難狀之疾老人陰已痿而思色以降其  
精則精不出而內敗精已耗而復竭之則大小便牽痛

如淋今童子即有此患益見今人所稟與古人大徑庭  
矣人之氣血厚薄既殊而醫之用藥療法又豈可泥執  
古方而無加減之變乎

治驗

一小兒食高粱之味大便不通飲冷發熱用清涼飲  
加大黃而通後飲食停滯腹痛大便不通用保和丸  
而痛止再煎檳榔湯送保和丸一服而便通

一小兒食粽停滯大便不通痛不可忍手足發搐用

大柴胡湯調酒麩末一錢下滯穢甚多作嘔不食用  
五味異功散加升麻柴胡而愈

一小兒大便不通審乳母飲食厚味所致用清胃散  
以治母熱兒間飲以一二匙而愈後乳母感寒腹痛  
食薑酒之物兒大便秘結兼便血仍用清胃散每日  
數匙而愈

一小兒因乳母暴怒大便不通兒亦患之兼用加味  
小柴胡湯兒先用保和丸二服後用五味異功散加

升麻柴胡兒日飲數匙並愈

大柴胡湯

方見瘰癧症

神芎丸

方見驚風

六味丸

方見腎臟

清胃散

方見內釣

小便不通

東垣云小便不利有在氣在血之異夫小便者足太陽膀胱之所主長生於申申者金也金能生水肺中伏熱

水不能生是絕小便之源也治法用清燥金之正化氣薄之藥茯苓猪苓澤瀉琥珀燈心通草車前瞿麥篇蓄之類皆為淡滲能泄肺中之熱而滋水之化源也若不渴熱在下焦是熱澁其流而溺不泄也須用氣味俱厚陰中之陰藥治之二者之病一居上焦在氣分而必渴一居下焦在血分而不渴血中有濕故不渴也二者之殊至易分別耳竊謂前症若津液偏滲於腸胃大便瀉利而小便澁少者宜分利若熱蘊於下焦津液燥而小

便不行者宜滲泄若脾胃氣澁不能通調水道者宜順  
氣若乳母肝心二經有熱者用梔子清肝散肝經怒火  
者用柴胡梔子散若因父母曾服燥劑而致者用四物  
麥門甘草數而黃者用四物加山茱萸黃柏知母五味  
麥門肺虛而短少者用補中益氣加山藥麥門陰挺痿  
痺而頻數者用地黃丸熱結膀胱而不利者用五淋散  
脾肺燥不能化生者用黃芩清肺飲膀胱陰虛陽無以  
生而淋瀝者用滋腎丸若膀胱陽虛陰無以化而淋瀝者

用六味丸若因乳母厚味酒麪積熱者用清胃散五淋散仍參諸淋覽之

治驗

一小兒十四歲肢體倦怠發熱晡熱口乾作渴吐痰如湧小便淋瀝或面目赤色身不欲衣此稟賦腎虛陰燥也用補中益氣湯加減八味丸而愈

一小兒五歲小便不利用五苓散分利澹泄之藥益加不通小便陰囊漸腫先兄謂前藥復損真陰也用

六味丸料加牛膝肉桂車前子佐以補中益氣湯而  
痊

一小兒八歲先小便澀滯服五苓散益甚加木通車  
前之類腹脹吐痰加枳殼海金沙而胸滿陰腫遍身  
發浮余用六味丸煎送滋腎丸而痊此皆稟父氣所  
致其作濕熱痰氣治之而歿者多矣

一小兒八歲先因小便黃赤服五苓導赤等散後患  
便血余以為稟賦虛熱也用六味丸及補中益氣湯



而痊

木通散 治小便不通少腹作痛

木通

滑石

各一兩

牽牛

半兩炒

右為末燈心蔥白水煎空心服

八正散 治蘊熱咽乾口燥大渴引飲心忪面熱煩躁

不寧目赤睛疼或咽舌生瘡小便赤閉及熱淋血淋

車前子

瞿麥

炒

大黃

麩裹

山梔

滑石

扁蓄

木通

甘草

各一兩

右為末每服二三錢入燈心水煎食前服

梔子仁散

治小便不通臍腹脹悶心神煩熱

梔子仁

五枚

甘草

炙二錢

茅根

冬葵子

各半兩

右為末每服一錢水煎空心服

梔子清肝散

柴胡梔子散

二方見發熱即柴胡清肝散

補中益氣湯

方見虛羸

黃芩清脾飲

方見百晬內散

加減滋腎丸 方見腹脹

清胃散 方見內鈞

四物湯 方見急驚

五苓散 方見五淋

六味地黃丸 方見腎臟

諸淋

夫小兒諸淋者腎與膀胱熱也二經相為表裏俱主水道水入小腸下行於胞則為弱若膀胱熱則津液內涸

水道不通腎氣熱則小便淋瀝或少腹引臍而痛夫淋有五石淋者腎熱化石內塞水道痛引膀胱氣淋者肺氣壅寒小腹脹滿小便澁滯熱淋者三焦有熱傳入腎膀胱流入于胞小便赤澁血淋者心熱血散失其常經溢滲入胞寒淋者膀胱氣冷與正氣交爭寒戰氣解是也亦有因妊母肝熱及乳母恚怒者當分五臟蓄熱治之若心臟有熱者導赤散加黃連肝臟有熱者柴胡梔子散大便不通瀉青丸脾臟有熱者瀉黃散脾氣不足

異功散脾氣下陷補中益氣湯肺臟有熱者瀉白散肺  
氣虛熱異功散加炒黑山梔腎臟有熱者地黃丸或因  
乳母肝經熱者用梔子清肝散恚怒者用柴胡清肝散  
乳母厚味者用加味清胃散心小腸熱者用清心蓮子  
飲或兒早近色慾小便澀滯或作痛及更去後大小便  
牽痛者皆屬肝腎不足也用六味地黃丸補中益氣湯  
加牛膝車前肉桂未應當參五臟所勝不可輕用滲泄  
寒涼之藥大損胃氣仍參前小便不通症覽之

治驗

一小兒小便不通服五苓之類不應顏間及左腮色赤乃肝腎虛熱也用四物山梔及地黃丸而愈後因感冒誤汗小便仍不利余用補中益氣湯加麥門五味而安

一小兒小便不利莖中澀痛時或尿血此稟父腎熱為患也先用五淋散以疏導又用滋腎丸地黃丸補肝腎漸愈後出痘色紫小便短赤頰間右腮或赤或

白用補中益氣湯六味地黃丸前症並愈

一小兒小便不利衄血鼻色赤屬脾肺有熱也用濟生犀角地黃湯而愈後頰間常赤作渴有痰此稟賦腎氣不足用地黃丸而諸症瘥

一小兒十五歲所賦虛怯且近女色小便滴瀝誤服五苓散之類大小便牽痛幾至不起用六味丸而愈  
金砂散 治小便淋瀝不通

鬱金

海金砂

滑石

甘草

各等分

右為末每服一錢煎地膚子湯調下燈心木通亦可  
又方冬瓜最治實熱小便不通內熱口渴

立效散 治小兒諸淋不通莖中作痛

木通 甘草 胡荽 王不留行 滑石 檳榔

海金沙 山梔子 各等分

右每服一錢水煎

五淋散 治膀胱有熱水道不通或小腹腫脹

山梔 炒 當歸 各三分 甘草 二分 赤茯苓 赤芍藥 各五分



石用燈心十根水煎

木通散

方見小便不通

導赤散

方見心臟

瀉青丸

方見肝臟

瀉黃散

方見脾臟

四物湯

方見急驚

清胃散

異功散

二方見內釣

補中益氣湯 方見虛羸

瀉白散 方見肺臟

地黃散 方見腎臟

柴胡清肝散

梔子清肝散 二方見發熱即柴胡梔子散

滋腎丸 方見腹脹

清心蓮子飲

茯苓散 二方見白濁

五苓散

方見五淋

聖濟犀角地黄湯

方見尿血便血

遺尿

巢氏云腎主水與足太陽相為表裏經曰膀胱者州都之官津液藏焉臥則陽氣內收腎與膀胱之氣虛寒不能約制故睡中遺出內經謂膀胱不約為遺是也用破故紙散益智散鷄腸散之類主之亦有熱客於腎干於足厥陰之經廷孔鬱結而氣血不能宣通則痿痺而無

所用故液滲入膀胱而漩溺遺失者用六味地黃丸虛  
熱亦用前丸脾肺氣虛者用補中益氣湯加補骨脂山  
茱萸

治驗

一小兒眼胞微腫咳嗽惡心小便澁白余謂脾疳食  
積也用五味異功散佐以四味肥兒丸而愈後不節  
飲食視物不明余曰目為五臟之精脾胃復傷須補  
養為主不信乃服峻厲之劑後變慢脾風竟為不起

一小兒三歲素遺尿余視其兩頰微赤此稟父腎與膀胱二經陰虛也與六味丸服之赤色漸退而遺尿亦愈

一小兒四歲飲食少思便泄腹痛素遺尿額頰青黑雖盛暑而惡風寒余謂經云熱之不熱是無火也用八味丸治之諸症悉愈

破故紙散 治膀胱虛冷夜間遺尿或小便不禁

破故紙

右為末每服一錢熱湯調下

湯氏雞腸散 治小便不禁睡中遺出

雞腸草

二兩

牡蠣粉

三錢

龍骨

煨

麥門冬

去心

白茯苓

桑螵蛸

各半兩炙

右為散每服一錢棗水煎

又方五倍子炒焦為末每服半錢白湯調下或糊丸米

湯送下

益智散

方見潮熱即益智丸

補中益氣湯 方見虛羸

異功散 方見內鈞

四味肥兒丸 方見寒熱

六味地黃丸

加減八味丸 二方見腎臟即六味丸加五味子肉桂

白濁

仁齋曰小兒尿白久則成疳此因心膈伏熱或乳哺失節傷脾使清濁不分故也全嬰方云小便初溺微赤良

久白濁者乃熱疳之症也初溺黃白良久白濁者冷疳之症也冷者益黃散熱者牛黃丸冷熱相兼者蘆薈丸純下白濁者君朴丸諸失津液欲成疳而小便白者茯苓散小便如疳或良久變白亦有脾虛食積濕熱下注者先用茯苓散五七服次用四味肥兒丸若乳食少思或腹肚脹大小便頻數此脾虛元氣下陷也朝用五味異功散夕用四味肥兒丸若肥體色黃小便不調髮黃脫落鼻下瘡痕嗜土少食大便青褐者用梔子茯苓湯



仍審其乳母飲食七情治之

治驗

一小兒發熱懶食小便良久變白余用四味肥兒丸  
即愈或誤以為積熱用清涼祛逐之劑形體頹弱虛  
症悉至小便如泔用補中益氣湯及四味肥兒丸而  
愈

一小兒面色痿黃眼胞微腫作渴腹脹飲食少思小  
便澄白大便不實此脾瘕之症也用四君子加山梔

蕪荑兼用四味肥兒丸而愈

一女子小便或黃或白後前陰痒出水此乃肝經濕熱先用龍膽瀉肝湯一劑又以加味逍遙散加龍膽草而愈

一小兒兩耳後腦下名經一核小便白濁面色痿黃體倦口乾大便不調用蘆薈丸而愈後鼻外生瘡作痒小便仍白視物不明用四味肥兒丸而愈

一小兒白濁兩耳內耳外生瘡膿水淋漓用大蘆薈

九而愈後遍身如疥肌體消瘦發熱作渴大便酸臭  
小便白濁用九味蘆薈丸五味異功散而愈

一小兒白濁形氣甚虛發熱作渴余謂肝腎虛羸也  
用大蘆薈丸地黄丸而愈畢姻後小便仍白唾闕發

熱形氣益虛用大劑益氣湯六味丸各五十餘劑而  
愈

一小兒白濁發熱口乾體瘦骨立余謂腎經虛羸朝  
用補中益氣湯夕用六味地黄丸而愈後兩目或生

白翳面黃浮腫小便仍白此變肝脾疴症用四味肥

兒九月餘漸瘥

君朴丸 治小兒小便白濁久則黃瘦不長肌肉

史君子

煨

厚朴

製

黃連

各一兩

木香

三錢

右為末蒸餅糊丸桐子大每服一二十九米湯下

茯苓散 治乳食傷脾或心經伏熱小便白濁

三稜

煨

蓬朮

煨

砂仁

赤茯苓

各半兩

青皮

陳皮

滑石

甘草

各一錢五分

右為末每服一錢燈心湯調下

三稜散 治小兒尿白久則成疝宜補脾消食化積

三稜 蓬朮

各一兩炒

益智仁

甘草

神麩

炒

麥芽

橘皮

各半兩

右為末每服一錢白湯點下

分清散 治小便餘瀝并赤白濁

益智仁

川草薢

石菖蒲

鹽炒

烏藥

茯苓

白

芍藥

各三分

右入燈心水煎

清心蓮子飲 治發熱口乾小便白濁夜則安靜晝則

發熱

黃芩 麥門冬 地骨皮 車前子 甘草

各三錢半

石蓮肉 茯苓 黃芪 柴胡 人參

各二錢五分

右每服二錢水煎服

梔子茯苓湯 即大蕪蘘湯方見諸疴症

大安丸 即保和丸加白朮

補中益氣湯 二方並見虛羸

龍膽瀉肝湯 方見疝氣

加味逍遙散

異功散

四君子湯 三方並見內釣

益黃散 方見脾臟

牛黃丸 方見驚癇

蘆薈丸 方見疳症

疳症

錢仲陽云小兒諸疳皆因病後脾胃虧損或用藥過傷不能傳化乳食內亡津液虛火妄動或乳母六淫七情飲食起居失宜致兒為患五臟之疳不同當各分辨肝疳者一名風疳其症白膜遮睛或瀉血羸瘦心疳者其症面黃頰赤身體壯熱脾疳者一名肥疳其症肢體黃瘦皮膚乾澀多生瘡疥腹大食土肺疳者一名氣疳其症喘嗽不已口鼻生瘡腎疳者一名骨疳其症肢體削



瘦遍身瘡疥喜臥濕地楊氏云又有疔傷者五臟蟲疔也其名甚多姑舉其要蟲疔者其蟲如絲出於頭項腹背之間黃白赤者可治青黑者難療蛔疔者皺耆多啼嘔吐青沫腹中作痛肚脹青筋唇口紫黑頭搖齒痒脊疔者身熱羸黃煩渴下利拍背有聲脊骨如鋸齒十指皆瘡頻嚙爪甲腦疔頭皮光急滿頭併瘡腦熱如火髮結如穗遍身多汗顛腫顛高疔渴者日則煩渴飲水不食夜則渴止疔瀉者毛焦唇白額上青紋肚脹腸鳴瀉

下糟粕疝痢者停積宿滯水穀不聚瀉下惡物疝腫者  
虛中有積肚腹緊脹脾復受濕則頭面手足虛浮疝勞  
者潮熱往來五心煩熱盜汗骨蒸噉喘枯悴渴瀉飲水  
肚硬如石面色如銀無辜疝者腦後項邊有核如彈丸  
按之轉動軟而不疼其內有蟲不速針出則內食臟腑  
肢體癰疽便利膿血壯熱羸瘦頭露骨高相傳兒夜夜  
露為鷓鴣鳥羽所污亦致此症若手足極細項小骨高尻  
削體痿腹大臍突號哭胸陷名丁奚若虛熱往來頭骨

分開翻食吐蟲煩渴嘔噦名哺露若牙齒蝕爛名走馬  
疳蓋齒屬腎腎虛受熱疳火上炎致口臭齒黑盛則齲  
爛牙宣大抵其症雖多要不出於五臟治法肝疳用地  
黃丸以生腎心疳用安神丸以治心異功散以補脾脾  
疳用四味肥兒丸以治疳五味異功散以生土肺疳用  
清肺飲以治肺益氣湯以生金胸疳亦用地黃丸無辜  
疳用大蕪萸湯蟾蜍丸丁奚哺露用肥兒丸大蘆薈丸  
走馬疳敷雄黃散服蟾蜍丸若作渴瀉痢腫脹勞瘵等

類當詳參方論而治之蓋疔者乾也因脾胃津液乾涸而患在小兒為五疔在大人為五勞總以調補胃氣為主

治驗

陳職方孫三歲面頰患瘡沿蝕兩目肚大青筋小便澄白此肝疔之症也用大蕪萸湯二劑而愈

陳司廳子遍身生瘡面色痿黃腹脹內熱大便不調飲食少思倦怠口乾為肝脾疔症用大蘆薈丸不月

而痊

陳工部長孫腹內一塊小便不調或用行氣破血等藥發熱口乾體瘦懶食面黃兼青幾成瘵症以補中益氣湯煎送大蘆薈丸四服又用前湯加車前子煎送六味丸四服又用清肝生血之藥而痊

一女子十二歲目生白翳面黃浮腫口乾作瀉用四味肥兒丸而痊

一小兒頭搖目劓口渴下血此肝經血虛風熱也用

地黄丸而痊若肝經實熱兼用瀉青丸蓋虛則補其  
母實則補其子也

一小兒十一歲兩耳後腦下各結一核色不變不痛  
而面色痿黃體倦口乾去後不調用蘆薈丸治之諸  
症頓愈

一小兒鼻外生瘡不時揉擦延及兩耳又一小兒視  
物不明鼻內或痒或生瘡用四味肥兒丸並愈

一小兒水入耳內耳外生瘡膿水淋漓經歲不愈余

謂肝火上炎用大蘆薈丸而愈

一小兒遍身如疥或痒或痛肌體消瘦日夜發熱口

乾作渴大便不調年餘不愈用九味蘆薈丸而愈

一小兒數歲腦後並結二核肉色如故亦不覺痛用

大蘆薈丸以清肝脾佐以地黃丸補腎水形體健而

核自消

一小兒腹內結塊小便不調此肝經內疳也用龍膽

瀉肝湯及大味蘆薈丸而痊

一小兒自生後兩目赤腫或作痒或生翳此胎稟肝火用蘆薈丸六味地黄丸而痊

一小兒患瘰癧小便頻數兩目連翳作嘔少食泄瀉後重用補中益氣湯六味地黄丸漸愈佐以蘆薈丸而痊

一小兒食泥土困睡泄瀉遍身如疥此脾經內外疔也用六君子湯肥兒丸而愈

一小兒面黃頰赤發熱作渴睡中驚悸此心經內外



症也用秘旨安神丸而痊

一小兒患前症兼掌心發熱遍身如疥用安神肥兒二丸而愈

一小兒咳嗽寒熱咽喉不利鼻上有瘡久不結痂此肺經疔症也用地黃清肺飲而痊

一小兒下疔潰痛爪黑面鰲遍身生疥此肝經內外疔也用地黃蘆薈二丸而痊

史少叅幼子二歲項後結核不時仰呌或以為熱瘡

內潰用針決之服消毒之藥後曲腰啼哭余謂此名  
無辜疳仰身而哭外癩症也腰曲而啼內癩症也元  
氣敗矣果歿

一小兒四肢消瘦肚腹漸大寒熱嗜臥作渴引飲此  
肝脾疳症名丁奚哺露用白朮散為主佐以十全丹  
月餘諸症漸愈乃以異功散加當歸及六味丸而痊  
一小兒患疳虛症悉具熱如火灸病狀不能盡述朝  
用異功散夕用四味肥兒丸九月餘諸症稍愈佐以六

味地黄丸自能行立遂朝以六味地黄丸夕以異功散及蚘蟆丸而痊

一小兒四肢消瘦肚腹脹大行步不能作渴發熱去後臭穢以十全丹數服諸症漸愈又用異功散肥兒丸調理漸愈

大蘆薈丸 治疳殺蟲和胃止瀉

胡黃連 黃連 白蕪荑 蘆薈 鶴虱 木香

去扇

炒

白雷丸 破開赤者不用 青皮 各半 麝香 二錢

兩

另研

右為末粟米飯丸菴豆大每服一二十九米飲下

愚按前方肝脾疳積食積發熱日生雲翳或疳熱頸  
項結核或耳内生瘡肌體消瘦發熱作渴飲食少思  
肚腹膨脹或牙齦蝕落頰顙腐爛或陰囊玉莖生瘡  
或胸脇小腹作痛並效內青皮以龍膽草代之麝香  
不用尤效

六味肥兒丸 消疳化蟲退熱

黃連

陳皮

神麴

炒

川練子

去核炒

麥蘖

炒各一兩

白

蕪荑

半兩

右為末糊丸麻子大每服一二十丸空心米飲吞下  
愚按前方又治脾疳飲食少思肌肉消瘦肚大頸細  
髮稀成穗項間結核發熱作渴精神倦怠大便酸臭  
嗜食泥土或口鼻頭瘡肚見青筋嚙齒下痢便白五  
疳用此丸加乾蟾一兩蕪荑五錢尤妙

蚶蟆丸 治無辜疳症一服虛熱退二服煩渴止三服  
瀉痢住

蟾蜍

一枚夏月溝渠中腹大  
不跳不鳴身多癩瘤者

右取糞蛆一杓置桶中以尿浸之桶上要乾不令蟲  
走出却將蟾蜍撲死投蛆中食一晝夜以布袋盛置  
浸急水中一宿取出瓦上焙為末入麝香一字粳米  
飯揉丸麻子大每服二十九丸米飲下

愚按前方又治無辜疔症面黃壯熱不食舌下有蟲  
或腦後有核軟而不痛中有粉蟲隨氣流散侵蝕臟  
腑便滑膿血日漸黃瘦頭大髮豎手足細軟變生天

癩糊猴鵝口木舌懸癰重脣著噤臍風撮口重舌龜  
背龜胸一十二種敗症急用蟾蜍丸大蕪萸湯治之  
多有生者

生熟地黃湯 治疔眼閉合不開

川芎 赤茯苓 枳殼製 杏仁去皮 川黃連 半夏

麴 天麻 地骨皮各二錢半 甘草炙二錢半 生地黃 熟

地黃各半兩

右每服二錢黑豆十五粒薑水煎服

嚏疔散 治疔

蘆薈

黃連

各一錢

麝香

少許

瓜蒂

蝦蟆灰

猪牙

皂角

各五分

右為末吹入鼻嚏則可療

脂連丸 治五疔潮熱腹脹髮焦

胡黃連

半兩

五靈脂

一兩

右為末獷猪膽汁丸麻子大米飲下

茯苓丸 治心疔驚疔



茯神

蘆薈

琥珀

川黃連

淨各三錢

赤茯苓

三錢鈎

藤皮

遠志肉

蝦蟆灰

各三錢

石菖蒲

一錢麝香少許

右為末粟米丸麻子大薄荷湯下

神效換肌丸

治脾疔肌瘦潮熱盜汗

瀉糟粕頭大

腹急

川黃連

炒

鼈甲

酒製

肉豆蔻

煨

史君子

麩

神麩

炒

麥芽

炒各半兩

麝香

五分

訶子肉

一錢五分

右為末糊丸芥子大米湯下

天麻丸 治肝疴風疴疴眼

青黛 川黃連 天麻 五靈脂 夜明沙微炒 川

芎 蘆薈各二錢 蟬退去足 龍膽草 防風各一錢半 全蝎

二枚 麝香少許 乾蟾頭炙焦一錢

右為末猪膽汁浸糕丸麻子大每服十九薄荷湯下

化蜜丸 治諸疴生蟲不時啼哭嘔吐清水肚腹脹痛

唇口紫黑腸頭濕匿

蕪荑 蘆薈 青黛乾 川芎 白芷稍 胡黃連

川黃連

蝦蟆灰

各等分

右為末猪膽汁浸糕糊丸麻子大每服一二十九食  
後臨臥杏仁煎湯下其鼻常用熊膽煎湯筆蘸洗俟  
前藥各進數服却用青黛當歸赤小豈瓜蒂地榆黃  
連蘆薈雄黃為末入鼻瘡斂

靈脂丸 治脾疔食疔

白豈菹 麥芽炒 五靈脂 縮砂 蓬朮煨 青皮

橘紅

史君子

焙各二錢 蝦蟆 炙焦三錢

右為末米糊丸麻子大每服十九米湯下

下蟲丸 治疳蛔諸蟲

新白苦棟根皮酒浸 木香 綠包貫衆 桃仁浸

皮 蕪荑焙各二錢 鶴虱炒一錢 雞心檳榔二錢 輕粉五分 史君

子五十取 乾蝦蟆炙焦三錢

右為末麵糊丸麻子大每服一二十丸天明清肉汁  
下內加當歸川連各二錢五分

龍膽丸 治腦疳腦熱瘡

龍膽草 升麻 赤茯苓 苦楝根皮焙 防風

蘆薈

油髮灰

各二錢

青黛

乾

黃連

淨各三錢

右為末 猪膽汁浸糕糊丸 麻子大 薄荷湯下 仍以

蘆薈末入鼻

黃連丸 治疔勞

黃連

半兩 浮猪膽汁浸晒

石蓮

瓜蒌根

杏仁

浸去皮焙

烏梅

肉

各二錢

右為末 牛膽汁浸糕糊丸 麻子大 煎烏梅薑蜜湯下

香薷丸 治疴瀉

黃連

三錢 炒

肉苳蔻

木香

訶子肉

煨

砂仁

茯苓

苓

各一錢

右為末飯丸麻子大米飲下

木香丸 治疴痢

黃連

淨三錢

木香

紫厚朴

製

夜明沙

隔紙炒 各二錢

訶子

肉

炒二錢

右為末飯丸麻子大乾艾生薑煎湯食前下

十全丹 治丁奚哺露

青皮

陳皮

各去白

川芎

白豆蔻仁

五靈脂

雞心檳榔

蘆薈

各五錢

木香

史君子

焙

蝦蟆灰

各三錢

右為末猪膽汁浸糕糊丸麻子大每服一二十九米  
飲下有執薄荷湯下

湯氏十全丹 治前症

檳榔

青皮

陳皮

去白

枳殼

湯浸去穢炒

丁香

木香

各二錢  
五分炮 香附子 一兩  
炒

右為末神麩糊丸黍米大每服三十九丸空心食前米

飲下

愚按前症因乳哺不調傷損脾胃不思飲食氣血日損四肢日瘦肚腹漸大是名丁奚呼吸少氣汲汲苦熱謂之哺露屬形病俱虛雖用前藥宜佐以異功散壯脾胃以行藥勢

鰲血煎 治疳勞



蕪荑

柴胡

川芎

各一兩

人參

半兩

史君子

二十箇胡

黃連

宣黃連

右用鼈血一盞吳茱萸一兩和二黃連淹一宿次早炒乾去茱萸并血用二連入餘藥末粟粉糊丸麻子大食前熱水下

地黃清肺飲

治肺熱疔蝕穿孔或生瘰肉或鼻外生

瘡

紫蘇

前胡

防風

赤茯苓

黃芩

當歸

連翹

天門冬

去心

桔梗

生地黄

甘草

炙各二錢

桑

白皮

炒半兩

右每服二錢水煎服次用化蠶丸

九味地黄丸

治腎疳

史君子

肉

赤茯苓

川練子

山茱萸

肉

當歸

川芎

牡丹皮

山藥

各二錢

熟地黄

四錢五分

右為丸蜜丸桐子大每服八十九空心溫酒下

東垣大蕪荑湯

一名梔子茯苓湯

治黃疳土色為濕為熱當

利小便今反利

知黃色中為燥胃經熱也

髮黃脫落

知膀胱腎俱受土邪乃人

濕熱之也

鼻下斷作瘡

上逆行營氣伏火也

能乳

胃中有熱也寒則食不入

喜食

土

胃不足也

面黑色

為寒為痺

大便清

也

褐色

熱蓄血也

間黃色

腸胃

有熱

治當滋榮潤燥外致津液

黃栢

甘草

炙

羌活

各二分

柴胡

三分

防風

一分

白朮

茯苓

大蘇莖

各五分

山梔仁

三分

麻黃根

黃連

各一分

分當歸

四分

右水煎服

硃砂安神丸 治心疴怔忡心中痞悶

硃砂

四錢

生地黄

黃連

各半兩

生甘草

二錢半

銅青

輕粉

各五分

蘭香葉

二錢燒灰

右為末乾敷上

白粉散 治疔瘡

海螵蛸

三分

白芨

二分

輕粉

一分

右為末先用漿水洗拭乾敷

六君子湯

異功散

二方見內鈞

六味丸

方見腎臟

四味肥兒丸

方見寒吐

瀉青丸

方見肝臟

龍膽瀉肝丸

方見疝氣

補中益氣湯

方見虛羸

白朮散

方見積

二便色白

秘旨云小兒便如米泔或溺停少頃變作泔濁者此脾  
胃濕熱也若大便泔白色或如魚凍或帶紅黃黑者此  
濕熱積滯也宜理脾清滯去濕熱節飲食若忽然變青  
此是變蒸也不必用藥若久不愈用補脾制肝若心膈  
伏熱則成疳矣大抵多因乳哺失節脾氣有傷元氣下  
陷或乳母飲食七情所致小便如泔或大便泔白者用  
四味肥兒丸積滯黃黑者用四君子湯加黃連木香色  
青日久不復或兼泄瀉或腹痛者用六君子湯加木香

芍藥若小便不利大便褐色髮黃脫落鼻下瘡瘻用枳  
子茯苓湯乳食少思胸腹膨脹大便頻數用四味肥兒  
丸仍審乳母飲食七情主之

治驗

一小兒每食停滯大便色白而頻先用大安丸異功  
散少加炒黑黃連一二服後小水澄久如泔發熱體  
倦用四味肥兒丸而愈

一小兒患前症停食發熱先用大安丸而愈後患腹

脹午後發熱用五味異功散而瘥

一小兒患前症兼自痢用異功散加升麻柴胡而愈  
但日晡微熱倦怠用補中益氣湯四味肥兒丸而愈  
一小兒患前症服驅逐之劑手足並冷作渴少食此  
脾氣復傷也用六君升麻柴胡而瀉止又四味肥兒  
丸而愈

四君子湯

六君子湯



加味逍遙散

五味異功散

四方見內鈞

龍膽瀉肝湯

方見疝氣

補中益氣湯

大安丸

保和丸加白朮  
三方見虛羸

四味肥兒丸

方見寒吐

梔子茯苓湯

即大蕪荑湯  
方見痞症

薛氏醫案卷六十一